

О'zbekiston Respublikasi
Xorazm viloyati
Bog'ot tumani
НОКИМИ
ҚАРОРИ



Ўзбекистон Республикаси
Хоразм вилояти
Боғот тумани
ХОКИМИ
ҚАРОРИ

220200 Боғот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил «2» Июль

№ 16-43 и

Боғот шаҳарчаси

Тумандаги “Гулистон” фермер хўжалигига ажратиб берилган ер майдонининг бир қисмини туман ер захира фондига қайтариб олиш тўғрисида

Ўзбекистон Республикаси “Ер кодекси”нинг 36-моддасига, “Фермер хўжалиги тўғрисида”ги қонуннинг 13-моддасига асосан, “Гулистон” фермер хўжалиги бошлиғи Ғ.Болтаевнинг фермер хўжалигига ажратиб берилган ер майдонининг бир қисмини туман ер захира фондига қайтариб олишни сўраб туман ҳокими номига ёзган сўровномасини ҳамда бу юзадан фермер хўжаликларига қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг, туман фермер, деҳқон хўжаликлари ва томорка ер эгалари Кенгашининг ҳулосаларини, Халқ депутатлари туман Кенгашининг тавсиясини кўриб чиқиб, Ўзбекистон Республикаси “Маҳаллий давлат ҳокимияти тўғрисида”ги қонуннинг 6, 25-моддаларига асосланиб

ҚАРОР ҚИЛАМАН:

1. Тумандаги “Гулистон” фермер хўжалиги бошлиғи Ғ.Болтаевнинг фермер хўжалигига ажратиб берилган ер майдонларининг бир қисмидан ихтиёрий воз кечиш тўғрисидаги туман ҳокими номига ёзган сўровномасини инобатга олиб “Гулистон” фермер хўжалиги билан туман ҳокими ўртасида тузилган ер участкасини узоқ муддатли ижарага олиш тўғрисидаги шартномаси бекор қилинсин.

2. Ушбу қарор қабул қилиниши муносабати билан Миришкор қишлоғи ҳудудидаги “Гулистон” фермер хўжалигига ижарага ажратиб берилган 522, 523, 524-контурлардаги умумий ер майдони 8,9 гектар, шундан 8,2 гектар экин ери, 0,7 гектар арик ва зовурлар остидаги ерлардан иборат бўлган ер майдони туман ер захира фондига қайтарилсин ва танловга қўйилсин.

3. Туман ер ресурслари ва давлат кадастри бўлими (Р.Рахимов) Миришкор қишлоғи ҳудудидаги “Гулистон” фермер хўжалигига ажратиб берилган ер майдонларининг бир қисмини қонунда белгиланган тартибда туман ер захира

фондига қайтарилишини ҳамда фермер хўжалиги ихтиёрида қолдирилган қишлоқ хўжалиги ер харитаси бўйича 316, 317к, 322, 324, 325, 327, 329, 330, 332, 335, 337, 338, 339, 340, 487, 488, 489, 503, 504, 505, 506, 507, 508, 509, 510, 511, 514к, 518, 519, 521, 551, 556, 557, 558, 560к, 563, 566, 570к, 632, 633, 634, 636, 637, 638, 640, 642, 646, 807, 808, 811, 813, 814 -контурлардаги жами 140,5 гектар, шундан 129,4 гектар экин ери, 0,3 гектар узумзор 0,5 гектар кўллар остидаги, 7,2 гектар ариқ ва зовурлар остидаги, 3,0 гектар йўллар остидаги, 0,1 гектар қурилиш остидаги, 0,3 гектар қишлоқ хўжалигида фойдаланилмайдиган бошқа ерлардан иборат бўлган ер майдони бўйича фермер хўжалиги раҳбари билан ер участкасини узоқ муддатли ижарага олиш шартномасини қайта тузишни таъминласин.

4. Ушбу қарорнинг тасдиғи фермер хўжаликларида қишлоқ хўжалиги учун ер майдонлари ажратиш масалаларини кўриб чиқувчи вилоят комиссиясидан сўралсин.

5. Ушбу қарорнинг ижросини назорат қилишни ўз зиммамда қолдираман.

Боғот тумани ҳокими



О.Холбоев